

Skuvlaráfi julggaštus 17.8.2022

## Buohkaide skibirin

Geange ii oaččo guođđit okto. Buohkat dárbbášit skihpára danin go oktonasvuohta ii leat dearvvaslaš vuoiŋŋalaččat ja rumašlaččat. Smiehtamat dál mo livččii, jus ii livčče oktage jedđemin go lea bahás miella. Ii livčče oktage berošteamen. Dat čuozašii garrasit. Jus livččet oktonas, de háliidivččetgo skihpára? Árvideames juo. Fuolaheatnot das, ahte leat buohkaide skibirin.

Diktot olbmuid leat iešguđetláganat. Áidnageardásašvuohta lea riggodat. Almmá dan haga ii livčče eará go ovttalágan dáidda, ovttalágan musihkka, ovttalágan kultuvra, ovttalágan giella. Buot livčče seammaláganat. Buot livčče láittas. Leatnot ilus das, ahte mii leat áidnageardásaččat. Mii leat mánggabealagat, ja dat lea buorre ášši. Buohkat eai soaitte soahpat oktii, muhto dat ii galgga hehttet ovttasbarggu. Muohtačalmmithan leat čábbát, amma nu?

Skuvllas juohkehaš galgá sáhttit leat balakeahtta ahte šaddá givssiduvvot. Buot skuvllat galget leat sajit mat leat friddja givssideamis. Skuvllas mii galgat dovdat iežamet dorvvolažžan ja buorrin. Skuvllas buohkain galgá leat bargoráfi.

Somes givssideamis ii leat eisige unnit mearkašupmi go lives, ja das galgá almmuhit dorvvolaš ollesolbmui. Aistton dan Tik tokis oahpes Konstápel Daniela "Ále daja somes maidege maid it dajašii njunnálagaid". Muitit maddái, ahte neahtasge ii dohkkehuvvo givssideapmi. Diktit min buohkaid juogadit govaid, teavstaid ja jurdagiid almmá, ahte mii dárbbášivččiimet ballat ahte šaddat cielahuvvot ja hehpejuvvot.